

五修族譜源流序

人猶木也木有本枝人亦有本枝祖宗本也子孫枝也人猶水也水有源流人亦有源流祖宗源也子孫流也不修譜必忘其本而枝亦不可分必味其源而流亦未由辨然不從而續修則后此之日以茂日以長者亦不能有條不紊且歷年既久恐本源亦有不清者此不可以不續修也我楊氏受姓之由原出于姬姬姓之由實行于黃帝黃帝原姓公孫神農母弟之后名號軒轅故曰有熊氏又曰帝鴻氏長于姬水由此而姓姬也黃帝生少昊名摯少昊生蟠極蟠極生帝嚳名俊原妃姜嫫履巨人迹感而生契是爲后稷堯封于都后稷生不屈不屈生鞠鞠生公劉公劉生慶節慶節生皇僕皇僕生差弗差弗生毀隄毀隄生公非公非生高圉高圉生亞圉亞圉生公叔公叔生古公亶父由幽遷于岐古公亶父生季歷取大任生昌商封爲西北侯紂封爲文王昌生發國號周爲武王發生誦爲成王誦之弟曰叔虞誦封叔虞于唐則今山西翼城絳縣陝縣一帶即堯之故圩也叔虞次子杼公周康王六年戊辰封杼公于楊寵錫楊侯食采于楊國蓋杼公爲楊姓之始祖也